



Broj: 01- 862 /26

Sarajevo: 18. 3. 2026. godine

PREDSTAVNIČKI DOM

PARLAMENTARNE SKUPŠTINE BOSNE I HERCEGOVINE

n/r predsjedavajućeg

Šemsudin Mehmedović



PRIMLJENO: 18-03-2026			
Organizaciona jedinica	Klasifikaciona oznaka	Redni broj	Broj priloga
01-50-1	-	862/26	

U skladu s čl. 170. i 171. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 53/22, 59/23, 87/23, 50/24 i 56/25) postavljam sljedeća

**ZASTUPNIČKA PITANJA ZA
FEDERALNO MINISTARSTVO ENERGIJE, RUDARSTVA I INDUSTRIJE**

1. Da li je Federalno ministarstvo energije, rudarstva i industrije bila upoznata sa odlukom Uprave Operator – Terminali Federacije d.o.o. Sarajevo o izdavanju mjenica u iznosu od 1,7 miliona eura društvu NTF d.o.o. Ploče?
2. Da li je Federalno ministarstvo energije, rudarstva i industrije dalo bilo kakvu saglasnost ili političku podršku za donošenje ovakve odluke?
3. Kako Federalno ministarstvo energije, rudarstva i industrije objašnjava činjenicu da javno društvo Operator – Terminali Federacije daje finansijsku garanciju NTF d.o.o. Ploče koje istovremeno duguje tom društvu oko 3,7 miliona KM i protiv kojeg se vodi sudski spor?
4. Da li će Federalno ministarstvo energije, rudarstva i industrije zatražiti hitan nadzor nad zakonitošću ove odluke i utvrđivanje eventualne odgovornosti za donošenje odluke koja može predstavljati ozbiljan finansijski rizik za Operator – Terminali Federacije d.o.o. Sarajevo?

U skladu s članom 171. st. (2) Poslovnika Predstavničkog doma odgovor u pisanoj formi mora se dostaviti **u roku od 30 dana** od dana kada je pitanje dostavljeno onome kome je upućeno.

Obrazloženje

U javnosti su se pojavile ozbiljne informacije koje otvaraju pitanje odgovornog upravljanja javnim kapitalom u društvu „Operator – Terminali Federacije“ d.o.o. Sarajevo, koje upravlja strateškom infrastrukturom Federacije Bosne i Hercegovine za skladištenje naftnih derivata.

Prema dostupnim informacijama i dokumentaciji, Uprava ovog društva je dana 24. 11. 2025. godine izdala mjenice u iznosu od 1.700.000 EUR društvu NTF d.o.o. Ploče (Republika Hrvatska) kao garanciju za kredit koji to društvo uzima kod PBS Banke.

Ono što ovu odluku čini posebno spornom jeste činjenica da je isto to društvo NTF d.o.o. Ploče već u sudskom sporu sa Operator – Terminali Federacije, pokrenutom 2024. godine, zbog neizmirenih zakupnina u iznosu od približno 3.700.000 KM.

Drugim riječima, postavlja se ozbiljno pitanje kako je moguće da javno društvo daje finansijsku garanciju društvu koje mu istovremeno duguje višemilionska sredstva i protiv kojeg vodi sudski postupak, čime se potencijalno dodatno izlaže finansijskom riziku imovina društva, a samim tim i javni kapital Federacije Bosne i Hercegovine?

Prema dostupnim informacijama, Nadzorni odbor Društva je o ovom pitanju obavijestio Vladu Federacije Bosne i Hercegovine, ukazujući na potencijalni finansijski rizik za Društvo i imovinu Federacije Bosne i Hercegovine. Međutim, ubrzo nakon upućenog upozorenja uslijedila je smjena tog Nadzornog odbora, što dodatno otvara ozbiljno pitanje da li je upravo ukazivanje na ovaj finansijski aranžman bilo razlog za njegovu smjenu i da li su time zanemarena upozorenja koja su se odnosila na zaštitu imovine i interesa Federacije Bosne i Hercegovine.

S poštovanjem,

ZASTUPNIK PS BiH
Šemsudin Mehmedović

